



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-323-9/23**
Datum: **05.12.2023. godine**

„Agencija za vodno područje rijeke Save“ Sarajevo rješavajući po zahtjevu Službe za finansije, privredu, komunalne i inspekcijanske poslove, Općina Tešanj u ime pravnog lica „ECO KAT“ d.o.o. Tešanj, za donošenje rješenja o vodnoj dozvoli za ispuštanje otpadnih voda iz poslovnog objekta namjene- prijem i reciklaža katalizatora svih vrsta vozila, hemijskih katalizatora, računalne opreme i drugih materijala koji sadrže plemenite materijale, koji je izgrađen, u naselju Jelah, Tešanj, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98 i 48/99 i 61/22), donosi:

RJEŠENJE **o vodnoj dozvoli**

1. Pravnom licu „ECO KAT“ d.o.o. Tešanj, daje se vodna dozvola za ispuštanje otpadnih voda sa lokacije poslovnog objekta, namjene- prijem i reciklaža katalizatora svih vrsta vozila, hemijskih katalizatora, računalne opreme i drugih materijala koji sadrže plemenite materijale, koji je izgrađen, u naselju Jelah, Tešanj, na zemljištu označenom kao k.č. 1007/3 K.O. Jelah.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije i izvršenog uviđaja na lokaciji objekta i pod slijedećim uslovima:
 - 3.1. Da pravno lice, „ECO KAT“ d.o.o. Tešanj obezbijedi da se sistem za prikupljanje, prečišćavanje i ispuštanje otpadnih voda sa lokacije poslovnog objekta, namjene- prijem i reciklaža katalizatora svih vrsta vozila, hemijskih katalizatora, računalne opreme i drugih materijala koji sadrže plemenite materijale, koji je izgrađen, u naselju Jelah održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet otpadnih voda sa predmetne lokacije, a prije ispuštanja u recipijent, zadovoljio granične vrijednosti u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.3. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. navedene Uredbe, a rezultate analiza dostaviti ovoj Agenciji.
 - 3.4. Čišćenje i konačno zbrinjavanje otpada sa uređaja za tretman otpadnih voda, kao i opasnog otpada sa lokacije „ECO KAT“ d.o.o. Tešanj može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju otpada, neophodno je voditi službenu evidenciju i arhivu.
 - 3.5. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.6. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.7. Osigurati priručna sredstva za brzu intervenciju u slučaju nekontrolisanog rasipanja i isticanje tečnog opasnog otpada, kako bi se spriječilo moguće onečišćenje voda i tla.
 - 3.8. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se aktivnosti obuhvaćene tačkom 3. dispozitiva rješenja u cjelosti poštuju.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Služba za finansije, privredu, komunalne i inspekcijaske poslove, Općina Tešanj u ime pravnog lica „ECO KAT“ d.o.o. Tešanj obratilo se ovoj Agenciji sa zahtjevom zaprimljenim 28.07.2023. godine za donošenje rješenja o vodnoj dozvoli za ispuštanje otpadnih voda sa lokacije poslovnog objekta namjene- prijem i reciklaža katalizatora svih vrsta vozila, hemijskih katalizatora, računalne opreme i drugih materijala koji sadrže plemenite materijale, koji je izgrađen, u naselju Jelah, Tešanj, na zemljištu označenom kao k.č. 1007/3 K.O. Jelah.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- A. Opšta dokumentacija
- Ovjerena kopija Uvjerjenja o poreznoj registraciji donesenog od strane Porezne uprave – Kantonalni porezni ured Zenica, 15.04.2021 godine;
 - Posjedovni list broj 3320 broj 06-26-11-585/22-2 izdat od strane Službe za katastar, urbanizam i imovinsko-pavne poslove, Općina Tešanj,
 - Dokaz o uplaćenju administrativnoj taksi 70 KM,
 - Kopija katastarskog plana broj 06-26-11-665/2022-3 od 08.02.2022 godine izdata od strane Službe za katastar, urbanizam i imovinsko-pavne poslove, Općina Tešanj,
 - Rješenje o odobrenju za legalizaciju broj: 06-19-2-1406-3/22 od 31.05.2022 godine izdato od strane Službe za katastr, urbanizam i imovinsko-pavne poslove, Općina Tešanj,

- Rješenje o odobrenju za upotrebu broj: 06-19-3-3709-12/22 od 18.10.2022 godine izdato od strane Službe za katastar, urbanizam i imovinsko-pavne poslove, Općina Tešanj,
- Studija za izdavanje prethodne vodne saglasnosti za izgradnju stambenog poslovnog objekta- namjena poslovnog objekta- reciklaža katalizatora svih vrsta vozila) u Jelahu, šifra projekta: 70/23, juni 2023 godine, urađena od strane „IBIS“ d.o.o. Lukavac, april 2023 godine.

B. Tehnička dokumentacija

- Projekat izmjene namjene poslovnog objekta- reciklaža katalizatora svih vrsta vozila), Jelah, Tešanj, urađen od strane „EN Projekt“ d.o.o. Tešanj,
- Glavni projekat izvedenog stanja vanjskih hidroinstalacija na lokaciji poslovnog objekta reciklaža katalizatora svih vrsta vozila, Jelah, Tešanj pravnog lica „ECO KAT“ d.o.o. Tešanj urađen od strane IBIS d.o.o. Zavidovići, novembar 2023 godine,
- Izvještaj o izvršenoj reviziji projektne dokumentacije urađen od strane TEAM HIDRO d.o.o. Sarajevo, novembar 2023 godine

Nakon izvršenog uvida u dostavljeni zahtjev i priloženu dokumentaciju utvrđeno je da za predmetni poslovni objekat je u toku promjena namjene objekta iz skladišta u poslovni objekat reciklaža katalizatora svih vrsta vozila te da investitor vrši navedenu aktivnost. Na osnovu utvrđeno je da su se stekli uslovi da se zahtjev rješava kao zahtjev za izdavanje Rješenja o vodnoj dozvoli te je emailom 11.08.2023. godine zatraženo od podnosioca zahtjeva da dā saglasnost o istom kao i druga neophodna dokumentacija.

Uz akt broj 06-19-2-2544/23 od 21.08.2023 godine od strane Službe za katastar, urbanizam i imovinsko-pavne poslove, Općina Tešanj dostavljena je tražena dokumentacija.

U daljem postupanju utvrđeno je da radovi na terenu nisu završeni te je na molbu podnosioca zahtjeva odobren dodatni rok za isto.

Dana 24.11.2023 godine podnosilac zahtjeva je u telefonskom razgovoru obavijestio voditelja postupka da su radovi na terenu završeni te da se može obaviti uviđaj.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je dana 04.12.2023. godine izvršen uviđaj na predmetnoj lokaciji poslovnog-proizvodno-skladišnog objekta o čemu je sačinjen Zapisnik o uviđaju broj: UP-1/21-3-40-323-7/23.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je sljedeće:

Lokacija poslovnog objekta za prijem i reciklažu katalizatora svih vrsta vozila, hemijskih katalizatora, računalne opreme i drugih materijala koji sadrže plemenite materijale, se nalazi u naselju Jelah, Tešanj, na zemljištu označenom kao k.č. 1007/3 K.O. Jelah.

Predmetna parcela nalazi se sa lijeve strane Radušnica u naselju Jelah, općina Tešanj.

Namjena poslovnog objekta je skladištenje i reciklaža katalizatora svih vrsta vozila, hemijskih katalizatora, računalne opreme i drugih materijala koji sadrže plemenite materijale kao prodaja istih nakon reciklaže.

Otpadna voda nastaje na platou i iste se prikupljaju sistemom linijskih rešetki, a zatim se kanalizacionim sistemom odvođe do separatora masti i ulja. Prečišćena voda se preko okna za monitoring ispušta u rijeku Radušnicu.

Snabdijevanje vodom za potrebe predmetnih objekata biće obezbijedeno priključkom na gradski vodovodni sistem.

Prilikom uviđaja utvrđeno je da su izvedeni radovi na sistemu za prikupljanje, tretman i ispuštanje otpadnih voda sa predmetne lokacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „ECO KAT“ d.o.o. Tešanj ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Behlija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl.inž.građ.

Dostaviti:

- „ECO KAT“ d.o.o. Tešanj, Teslička bb, Tešanj (Prilog - Ovjereni Tehnička dokumentacija navedena pod tačkom B. obrazloženja Rješenja)
- Služba za katastar, urbanizam i imovinsko-pavne poslove, Općina Tešanj, Trg Alije Izetbegovića, Tešanj
- ⊙ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava